

13. 03. 2020 (PERVA)



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenje situacije i poduzimanje mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, postupajući po Naredbi Kriznog stožera Federalnog ministarstva zdravstva, broj: 01-33-1472/20 od 12. marta 2020.godine, u skladu sa odredbom člana 6. stav (5) Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), donio je sljedeću

**N A R E D B U**

1. Nalaže se Ministarstvu obrazovanja Unsko-sanskog kantona da obustavi rad dječjih vrtića na području Unsko-sanskog kantona, u periodu od 16.03.2020.godine do 29.03.2020.godine.
2. Svim učenicima u osnovnim i srednjim školama, kao i studentima na području Unsko-sanskog kantona, dok traje obustava nastave, preporučuje se da izbjegavaju nepotrebno kretanje i zadržavanje na mjestima javnog okupljanja, kao što su: kafići, teretane, igraonice, nargila barovi/kafei, kladionice i drugo. Za provođenje ove preporuke, za maloljetne učenike odgovorni su roditelji, a za punoljetne učenike i studente vrijedi lična odgovornost.
3. Nalaže se menadžmentima zdravstvenih ustanova, bez obzira na oblik vlasništva, kao i nositeljima privatnih praksi na području Unsko-sanskog kantona, da zdravstvenim radnicima i zdravstvenim saradnicima ne odobravaju putovanje u inostranstvo po bilo kom osnovu. Rok: kontinuirano do daljnjeg.
4. Nalaže se zdravstvenim radnicima i zdravstvenim saradnicima na području Unsko-sanskog kantona, da u uvjetima kad je SZO proglasila pandemiju novog koronavirusa (COVID-19) ne napuštaju Unsko-sanski kanton ni po kojem osnovu. Rok: kontinuirano do daljnjeg.
5. Preporučujemo svim državljanima Federacije Bosne i Hercegovine, koji žive ili rade u zemljama pogođenim novim korona virusom (COVID-19), da ne dolaze na područje Unsko-sanskog kantona, zbog povećanog rizika od unošenja novog koronavirusa (COVID-19), a što bi dodatno moglo rezultirati pogoršanju epidemiološke situacije na području Unsko-sanskog kantona. Rok: kontinuirano do daljnjeg.
6. Traži se provođenje ove Naredbe bod prijetnjom prekršajne i krivične odgovornosti u skladu sa Zakonom o zaštiti stanovništva od zaraznih bolesti i drugim propisima.
7. Ova naredba stupa na snagu danom donošenja.

Broj: 09-33- 3099-1 /20  
Bihać, 13.03.2020.godine



Predsjednica Kriznog štaba MZRSP USK

Ministrica  
dr. sci. prim. Nermina Čemalović, s.r.